

Allannguutissatut siunnersuut
uunga

**Uunga siunnersuut: Tapersiissutitalimmik inissialiortiternermut taarsigassarsitsisarneq pillugu
Inatsisartut inatsisaat nr. xx, xx. xxx 2019-imeersoq**
(Oqaatsitigut naqqiut)

Aappassaanneerinissamut Naalakkersuisunit saqqummiunneqartoq

§ 1

1. Kapitel 9 imatut oqaasertalerneqarpoq:

”Kapitali 9

Taarsigassarsiat erniaqanngitsut akilersugassaanngitsullu piffissaq annikilliartuaarfissaat

§ 32. Taarsigassarsianut erniaqanngitsunut akilersugassaanngitsunullu, ukiuni 33-ni annikilliartuaartussatut piumasaqaateqarfiullutik tunniunneqartunut piffissaq annikillisitsiartuaarfissatut aalajangiunneqartoq, ukiunut 20-nut allanngortinneqarpoq. Piffissap annikillisitsiartuaarfissap sinnera 20/33-mut iluarsillugu sivikillisinneqassaaq ukiumullu ilivitsumut qaninnerpaamut akunnaallisarneqassalluni.

Imm. 2. Tamatumta kingorna taarsigassarsiat erniaqanngitsut akilersugassaanngitsullu taarsigassarsianut piffissarititap sivikillisp ingerlanerani ukiut tamaasa amerlaqatigiinnik, siullermeertumillu piffissamut 1. januar 2020-miit 31. december 2020-mut, 31. december 2020-mi annikillisikkiartuaarneqassapput.”

Allannguutissatut siunnersummut nassuaat

Nassuaatit nalinginnaasut

Danskisuuan ”nedskrivning” tassunga atatillugu eqqortusoq atornagu, oqaatsip ”afskrivning” kukkulluni atorneqarnerata paasineqarnera tunngavigalugu allannguutissatut siunnersuut saqqummiunneqarpoq.

Siunnersuutip kalaallisoortaata danskisuatalu oqaatsitigut taamaalillutik erseqqissuunissaat siunnersummi qulakkeerneqarnissaa siunertarineqarpoq.

Siunnersuutip kalaallisoortaani allanngortoqannginnissaa allannguutissatut siunnersuutip kingunerissavaa.

Allannguutissatut siunnersummi aalajangersakkanut ataasiakkaanut nassuaat

§ 1-imut

Nr. 1-imut

Imm. 1-imut

Taarsigassarsiat erniaqanngitsut akilersugassaanngitsullu ingerlasut ukiuni 33-ni annikilliartuaartinneqartarnerisa allanngortinnejarnissaa, taamaalillunilu piffissap annikillisitsiartuaarfissap ukiunut 20-nut sivikillineqarnissaa, siunnersuutigineqarpoq. Siunnersummi tapersiissutitalimmik inissialiorterneq pillugu Inatsisartut peqqussutaat 1992-imeersoq aamma 2007-imeersoq tunngavigalugit nammineerluni illulianut illunullu sanaqataaffiusunut taarsigassarsiarititat pineqarput.

Siunnersuut illunut sanaqataaffiusunut taarsigassarsiat pillugit Inatsisartut inatsisaanni nr. 28, 3. december 2018-imeersumi §9-mut atasutut isigineqassaaq. Illunut sanaqataaffiusunut kommuninut taarsigassarsiarititat piffissaq annikillisitsiartuaarfiusussaq ukiunik 20-nik sivisussuseqarpoq.

Piffissaq annikillisitsiartuaarfiusussaq 20/33 atorlugu naligiimmik sivikillisinnejassaaq. Taarsigassarsiani ingerlasuni piffissaq sivikillisitsiartuaarfiusussaq ukiunik qulinik sivisussuseqarpat, ukiunut arfinilinnut sivikillisinnejassaaq.

Imm. 2-imut

Taarsigassarsiat erniaqanngitsut akilersugassaanngitsullu 1. januar 2020 aallarnerfigalugu naatsorsorneqassapput. Tamatuma kingorna akiitsut sinneri naatsorsorneqartut piffissap annikillisitsiartuaarfissap sivikillisap ingerlanerani aammalu siullermeertumik piffissamut 1. januar – 31. december 2020 annikillisikkiartuaarneqassapput.